

ridi-rufescentes. *C. aquatilis* differt præcipue squamis capsula brevioribus, foliis subconvolutis etc.

Carex vesicaria α . *calcifœnum*, spicis masculis pluribus, femineis pedunculatis, longe a se invicem remotis, cylindricis; folia lata ut totum gramen molle. Hab. in sylvis umbrosis; juxta lacunas etc.

β . *inalpina*, spica feminea subsolitaria, atrofusca, ovata; foliis angustis convolutis. Hab. in ipsis alpibus ad Virihjaur.

γ . *subalpina*, spica mascula solitaria oblonga; femineis breviter pedunculatis, oblongis, approximatis, erectis. Capsulæ inflatæ rostro brevioribus; folia subconvoluta; culmus vix pedalis. Habitat in alpibus.

Huic valde affinis est *Carex pulla*, cujus formæ sunt, 1:mo *subsylvatica*: spiculis masculis binis; femineis etiam binis, ovalibus sessilibus, approximatis, culmo pedale, vel paulo amplius. Folia lata complanata. Hab. in sylvis subalpinis, ex. gr. ad Tarrejaur Lappon. Lulensis.

2:o *pulla* α . spicis approximatis ovalibus, sessilibus; bracteis cuspidato-setaceis, vel subfoliaceis vel nullis. Masculula contigua, oblonga. Hab. in alpibus.